



REPUBLIKA E SHQIPËRISË
AUTORITETI PORTUAL DURRËS

PROCESVERBAL – Tipi i kontratës - Mall

PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM

OBJEKTI I PROCEDURËS: “*Materiale për mirëmbajtjen periodike për mekanizmat TK*”,
(*Procedurë e Hapur mbi kufirin e larte monetar - Mall*) - *Marrëveshje Kuadër*

VLERA E FONDIT LIMIT: 19.874.100 (Nentembdhjete milion e tetëqind e shtatëdhjetë e katër mijë e njëqind) lekë, pa TVSH,

KODI PËRKATËS NË FJALORIN E PËRBASHKËT TË PROKURIMIT (CPV):

Afati i lëvrimit do jetë **12 (dymbëdhjetë) muaj** nga data e nënshkrimit të marrëveshjes kuadër.

FORMULAR I I KRITEREVE TË PËRZGJEDHJES/KUALIFIKIMIT

Kriteret e Përgjithshme të Pranimit janë standarte dhe nuk duhet të ndryshohen nga Autoritetet Kontraktore.

I. KRITERET E VEÇANTA TË KUALIFIKIMIT

1. Ofertuesi duhet të paraqesë:

- a. *Formularin Përmbledhës të Vetëdeklarimit, sipas shtojcës 9*
- b. *Sigurimin e Ofertës, sipas Shtojcës 4;*

Argumentimi: Kërkesat e mësipërme bazohen në nenet 76, 82 dhe 83 të LPP, i ndryshuar, nenit 26, të VKM nr. 285, datë 19.05.2021 “Për miratimin e rregullave të prokurimit publik” të ndryshuar.

2. Kandidati/Ofertuesi duhet të dorëzojë:

2.1 Kapacitetin profesional të operatorëve ekonomikë:

Kjo pikë përmbushet sipas pikës a) të Kriterëve të Përgjithshme (*sipas shtojcës 8*).

Argumentimi: Kërkesa e mësipërme bazohet në nenin 77, pika 1/a dhe 2, të LPP-së i ndryshuar, nenin 40, pika 5, të VKM nr. 285, datë 19.05.2021, “Për miratimin e rregullave të prokurimit publik”, i ndryshuar.

2.2. Kapaciteti ekonomik dhe financiar:

Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore të realizuar për tre viteve e fundit financiare (2023-2024-2025), ku vlera e xhiros për të paktën një nga vitet e periudhës së kërkuar duhet të jetë në një vlerë jo më e vogël se vlera e fondit limit. *Kriteri konsiderohet i përmbushuar nëse operatorët ekonomikë arrijnë vlerën e xhiros minimale, pra vlerën e fondit limit, në të paktën 1(një) vit të periudhës së kërkuar të viteve financiare.*

Argumentimi: *Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, pika 2/b të VKM nr. 285, datë 19.05.2021 “Për miratimin e rregullave të prokurimit publik”, të ndryshuar. Përcaktimi i viteve të kërkuara për paraqitjen e vërtetimit të xhiros vjetore është bërë bazuar ligjit Udhëzim i Përgjithshëm. nr. 26, datë 8.9.2023 për tatimin mbi të ardhurat, Ligj nr. 29/2023 për tatimin mbi të ardhurat. Vlera e xhiros së kërkuar është vendosur duke pasur në konsideratë objektin e kontratës, natyrën dhe volumin e saj. Vlera e xhiros është vendosur që t’i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kapacitetet e nevojshme, gjithçka në funksion të realizimit me sukses të kontratës.*

2.3 Kapaciteti teknik:

2.3.1 Operatori ekonomik duhet të paraqesë dëshmi për furnizime të mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40 % e vlerës së përllogaritur te fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- Si dëshmi për përvojën e mëparshme kërkohen **vërtetime** të lëshuara nga një ent publik ose **fatura tatimore** të shitjes, ku shënohen datat, shumat dhe sasi të furnizimit e realizuara. Faturat të jenë të deklaruara në organet tatimore.
- Në rastin e përvojës së mëparshme të realizuar me sektorin privat, si dëshmi pranohen vetëm **fatura tatimore** të shitjes, ku shënohen datat, shumat dhe sasi të furnizimit e realizuara. Faturat të jenë të deklaruara ne organet tatimore.

Argumentimi: *Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 41, pika 3 të VKM nr. 285, datë 19.05.2021 “Për miratimin e Rregullave të Prokurimit Publik”, të ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën me sukses, prandaj është kërkuar që kontratat e mëparshme të ngjashme të jenë në vlerën jo më pak se 40 % të vlerës së fondit limit, që është brenda vlerës kufi të përcaktuar në nenin e sipërcituar.*

Përvoja e mëparshme është një element shumë i domosdosshëm që garanton autoritetin kontraktor se operatorët ekonomikë mbi bazën e vlerës së kontratave të ngjashme zotërojnë kapacitete për të zbatuar kontratën me sukses sipas një standarti të përshtatshëm cilësie. Në mbështetje të nenit 88 pika 1 e VKM 285/2021, parashikon se “Oferta mund të paraqitet nga një bashkim operatorësh ekonomikë, sipas përcaktimit të pikave 2 dhe 3, të nenit 14, të LPP-së, ku njëri prej të cilëve i përfaqëson të tjerët gjatë procedurës dhe, në rast përzgjedhjeje, edhe gjatë zbatimit të kontratës. Në ofertë duhet të përcaktohet pjesa e shërbimit, punës ose furnizimit, që do të kryejë secili nga anëtarët e këtij bashkimi nëpërmjet një kontrate bashkëpunimi të hartuar ndërmjet palëve.

2.3.2 Ofertë Teknike

Operatori ekonomik duhet të paraqesë ofertën teknike, për mallrat e listes ne formatin e **Ofertes Teknike**, në formën e një tablele sipas modelit të mëposhtëm, e cila duhet të plotësohet në mënyrë rigoroze. Oferta teknike duhet të përmbajë të dhënat si më poshtë;

- Emri i kompanisë prodhuese
- Emërtimi i Katalogut të prodhuesit ose i skedës teknike
- Numri i faqes në katalog ose në skedën teknike ku ndodhet artikulli
- Numri (kodi) identifikues i artikullit të ofruar, i shënuar me një shenjë dalluese

Të dhënat e deklaruara në ofertën teknike duhet të korespondojnë me të dhënat për artikujt në katalogët/skedat teknike të dorëzuara. Moskorespondimi i këtyre të dhënave do të sjellë pavlefshmëri të ofertës.

***Argumentimi:** Ky kriter është menduar për ti dhënë sigurinë AK që OE ofertues do të paraqesë mallra, të cilët përmbushin kërkesat e specifikimeve teknike dhe janë në përputhje me to. Kriteri i kerkuar në lidhje me katalogun e prodhuesit/prodhuesve, është vendosur në përputhje me piken 6, te Nenit 40, të VKM Nr. 285, datë 19.05.2021 “Për miratimin e rregullave të prokurimit publik”*

2.3.3 Ne menyre qe te krahasohet pajtueshmeria me specifikimet teknike dhe standardet e kerkuara, operatori ekonomik ofertues duhet te paraqese Katalogun/et ose fragmente te katalogut/eve te prodhuesit/ve per listen e mallrave objekt prokurimi, ne te cilet te tregohen dhe te specifikohen qarte materialet qe do te ofrohen.

Shenim: Fragmentet e katalogut/ve duhet te tregojne lehtesisht dhe qarte qe jane pjese katalogu, si dhe cilit katalog dhe cilit prodhues i perkasin.

***Argumentimi:** Ky kriter është menduar për ti dhënë sigurinë AK që OE ofertues do të paraqesë mallra, të cilët përmbushin kërkesat e specifikimeve teknike dhe janë në përputhje me to. Kriteri i kerkuar në lidhje me katalogun e prodhuesit/prodhuesve, është vendosur në përputhje me piken 6/b, te Nenit 40, të VKM Nr. 285, datë 19.05.2021 “Për miratimin e rregullave të prokurimit publik”*

2.3.4 Autorizim prodhuesi/Distributor i Autorizuar

Operatori ekonomik ofertues duhet të paraqesë autorizim nga prodhuesi ose distributori zyrtar për mallrat e kategorisë së vajrave lubrifikantë, objekt prokurimi, i vërtetuar nëpërmjet dokumenteve origjinale, si përfaqësues i kompanisë prodhuese për mallrat sipas zërave të listës:

- Vajra lubrifikantë (Vaj Hidraulik ISO VG 46 HVI , Vaj Hidraulik multifunksional (UTTO/STOU) SAE 10W-30 , Vaj Motorri SAE 15W-40 , Vaj kambio ATF Dexron III , Vaj Diferenciali SAE 85W-140 , Vaj Ingranazhesh ISO VG 220 , Vaj Reduktori Rrotullimi ISO VG 150 , Vaj Frenash ISO VG 32)

Në rast paraqitjeje të autorizimit nga distributori, OE duhet të paraqesë gjithashtu një letër angazhimi ose akt-marrëveshje ndërmjet prodhuesit dhe distributorit, e vlefshme ndërmjet tyre, që vërteton të drejtat e furnizimit me llojin e vajrave të ofruar në Republikën e Shqipërisë.

Autorizimi duhet te permbaje te dhena te plota te prodhuesit/distributorit si: telefon/e-mail/website kjo e nevojshme per Autoritetin Kontraktor ne rast verifikimi nga ana e tij.

Argumentimi: *Autorizimi i prodhuesit është një dokument i rëndësishëm, pasi përveçse tregon origjinën e mallrave që kërkohen në procedurë, na garanton se ofertuesi është i autorizuar për ofrimin tek AK të këtyre mallrave. Kjo garanci lidhet njëkohësisht edhe me treguesit cilësorë të mallrave që kërkohen të blihen e që janë prodhuar në përputhje me standardet . Ky kriter është në përpjestim me natyrën dhe përmasat e kontratës dhe lidhet drejtpërdrejtë me aftësitë organizative, reputacionin dhe besueshmërinë e OE ofertues për aftësitë teknike. Kjo kërkesë i shërben autoritetit kontraktor për njohjen e mundësisë së OE-se për përmbushjen me sukses të kontratës. Ky kriter është në përputhje me nenin 77, pika 4, të Ligjit Nr. 162, datë 23.12.2020 “Për prokurimin publik” dhe pikën 6, të nenit 40, të VKM Nr. 285, datë 19.05.2021 “Për miratimin e rregullave të prokurimit publik”.*

2.3.5 Fletën teknike (TDS)

Operatori ekonomik ofertues duhet të paraqesë fletët teknike (TDS) të lëshuara nga prodhuesi për mallrat objekt prokurimi, për të gjitha zërat e listës:

- Filtra motorri për Reachstacker/Vinca
- Filtra hidraulikë për Reachstacker/Vinca
- Vajra lubrifikantë (Vaj Hidraulik ISO VG 46 HVI , Vaj Hidraulik multifunksional (UTTO/STOU) SAE 10W-30 , Vaj Motorri SAE 15W-40 , Vaj kambio ATF Dexron III , Vaj Diferenciali SAE 85W-140 , Vaj Ingranazhesh ISO VG 220 , Vaj Reduktori Rrotullimi ISO VG 150 , Vaj Frenash ISO VG 32)
- Antifrizë

Fleta teknike duhet të përmbajë minimalisht karakteristikat fiziko-kimike dhe parametrat teknikë kryesorë të produktit, si dhe standardet dhe specifikimet e përmbushura (ISO, DIN ose ekuivalente).

Argumentimi: *Ky kriter është vendosur me qëllim garantimin e Autoritetit Kontraktor se operatorët ekonomikë ofertues do të paraqesin mallra në përputhje të plotë me specifikimet teknike të kërkuara.*

Fletët teknike (TDS) të lëshuara nga prodhuesi sigurojnë informacion të detajuar mbi karakteristikat fiziko-kimike, parametrat teknikë dhe standardet e cilësisë (ISO, DIN ose ekuivalente), duke mundësuar verifikimin objektiv të përputhshmërisë së produkteve.

Kriteri është në përputhje me pikën 6/b të nenit 40 të VKM nr. 285, datë 19.05.2021 dhe garanton transparencë, barazi dhe siguri në vlerësimin e ofertave.

2.3.6 Mostrat

Ne menyre qe te krahasohet pajtueshmeria me specifikimet teknike dhe standartet e kerkuara, operatori ekonomik ofertues brenda dites dhe ores se hapjes se ofertave duhet te paraqese prane Zyres se Protokollit te Autoritetit Portual Durres mostra per zerat si me poshte :

Nr	Emërtimi i Artikujve	Njesia	Sasia
1	Vaj Hidraulik ISO VG 46 HVI	liter	1
2	Vaj Hidraulik multifunksional (UTTO/STOU) SAE 10W-30	liter	1
3	Vaj Motorri SAE 15W-40	liter	1
4	Vaj kambio ATF Dexron III	liter	1
5	Element Filtri 2650R010BN4HC /Ekuivalent	cope	1
6	Element Filtri 3H04000158 /Ekuivalent	cope	1
7	Element Filtri 3H013000129 /Ekuivalent	cope	1

Paraqitja e mostrave kërkohet në funksion të vlerësimit objektiv dhe praktik të përputhshmërisë së mallrave me specifikimet teknike, si dhe të cilësisë, funksionalitetit dhe qëndrueshmërisë së tyre në kushtet reale të përdorimit.

Ky kriter synon të minimizojë rrezikun e furnizimit me produkte nën standard apo të papërshtatshme, të sigurojë vijueshmërinë e proceseve të punës në oficinë dhe të shmangë kostot shtesë që mund të lindin nga zëvendësimet apo ndërprerjet.

Njëkohësisht, paraqitja e mostrave shërben si provë për aftësinë reale të operatorit ekonomik për të garantuar furnizim cilësor dhe në përputhje me kërkesat e Autoritetit Kontraktor.

Shënim: Ky kriter përbën kusht skualifikimi në rast se mostrat e dorëzuara nuk janë sipas specifikimeve teknike të kërkuara. Mosparaqitja e mostrave përbën kusht për skualifikim

Argumentimi: Kërkesa e mësipërme është përcaktuar bazuar në piken 6 gërma a, të nenit 40 të VKM nr 285 date 19.05.2021 “Per Miratimin e Rregullave te Prokurimit Publik”, ne te cilen eshte e percaktuar se: 6. Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: a) mostra të mallit, kur e gjykon se kjo ka rëndësi për vlerësimin e ofertës teknike. Mostrat duhet

të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces.

Argumentimi i marrëveshjes kuadër:

1. Marrëveshja kuadër do të lidhet me një operator ekonomik pasi janë të përcaktuara të gjitha kushtet kryesore të zbatimit të saj të tilla si: artikujt objekt prokurimi, specifikimet e sakta teknike, , standardet e kërkuara, si dhe sasitë që priten të furnizohen gjatë periudhës së zbatimit të marrëveshjes.
2. Nga përvoja e prokurimeve të artikujve objekt i kësaj procedure në vitet e mëparshme, është konstatuar se çmimet e tregut kanë qenë relativisht të qëndrueshme dhe pa luhatje të ndjeshme, duke reflektuar stabilitet në tregun përkatës të këtyre produkteve.
3. Lidhja e marrëveshjes kuadër me disa operatorë ekonomikë do të krijonte kosto shtesë dhe vështirësi në koordinimin e furnizimeve, rritje të riskut për mospërputhje të artikujve si dhe kompleksitet në administrimin e kontratës, përfshirë shpërndarjen e kërkesave për materiale, kontrollin e cilësisë dhe unifikimin e produkteve të furnizuara.
4. Marrëveshja kuadër përcaktohet duke pasur parasysh natyrën e furnizimeve të përsëritura gjatë periudhës së zbatimit të saj, si dhe nevojën për fleksibilitet në realizimin e porosive sipas nevojave faktike të Autoritetit Kontraktor. Ky instrument siguron vazhdimësi të furnizimit, unifikim të produkteve dhe administrim më efikas të kontratës gjatë gjithë periudhës së zbatimit.
5. Marrëveshja kuadër zgjidhet me qëllim shmangien e angazhimit paraprak të sasive fikse të furnizimit, duke qenë se nevojat e Autoritetit Kontraktor gjatë periudhës së zbatimit mund të variojnë në varësi të kushteve të punës, intensitetit të përdorimit të pajisjeve dhe situatave të paparashikuara të mirëmbajtjes. Ky instrument mundëson furnizim sipas nevojës reale, duke shmangur mbingarkesën me stok dhe përdorimin joefikas të burimeve.

Argumentimi i mosndarjes së procedurës në lote:

1. Referuar nenit 39 të Ligjit për Prokurimin Publik, Autoriteti Kontraktor vendos të zhvillojë procedurën e prokurimit pa e ndarë në lote, pasi natyra e furnizimeve objekt i kësaj procedure (vajra lubrifikantë, filtra motorri, filtra hidraulike, antifrizë) kërkon uniformitet teknik, përputhshmëri të plotë me specifikimet e pajisjeve ekzistuese dhe garanci për kompatibilitet teknik.

Duke qenë se filtrat dhe vajrat përdoren në të njëjtin cikël mirëmbajtjeje dhe duhet të jenë të përshtatshëm e kompatibël me njëri-tjetrin sipas specifikimeve teknike të prodhuesve të mjeteve dhe pajisjeve, nuk mund të realizohet ndarja në lote pasi mund të krijohen problematika në përputhshmërinë teknike ndërmjet produkteve të furnizuara nga operatorë ekonomikë të ndryshëm.

Për ta theksuar, bëhet fjalë për mallra që funksionojnë në mënyrë të integruar në sistemet e motorit dhe ato hidraulike, ku përdorimi i filtrave dhe vajrave me karakteristika të ndryshme ose jo të harmonizuara mund të ndikojë në funksionimin normal të mjeteve, sigurinë teknike dhe jetëgjatësinë e pajisjeve. Në këtë kuptim, ashtu si nuk mund të realizohet në mënyrë efektive furnizimi i një pajisjeje të vetme me pjesë nga operatorë të ndryshëm pa garantuar

përputhshmërinë, edhe në këtë rast kërkohet furnizim i unifikuar për të garantuar standardizimin dhe kompatibilitetin teknik të produkteve objekt prokurimi.

Gjithashtu, zhvillimi i procedurës pa e ndare në lote garanton përgjegjësi të unifikuar kontraktuale për cilësinë, origjinën dhe performancën e mallrave të furnizuara, si dhe shmang vështirësitë administrative dhe operacionale që do të sillte menaxhimi i disa kontratave të ndara për mallra që lidhen drejtpërdrejt me njëra-tjetrën.

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

KUSHTET PER TU ZBATUAR NE PRANIM.

A. Në fazen e pranimit, janë të detyruar të paraqesin;

- 1. Dokumente origjinale ose te njevlefshme, te deklaruar ne institucionet tona zyrtare, me ane te te cilave te demonstron produktet e ofruara**
- 2. Dokumenta qe vertetojne Origjinën e Produkteve te furnizuara**
- 3. Certifikatën e analizës (CoA) ose dokument ekuivalent, të lëshuar nga prodhuesi ose laborator i akredituar/autorizuar, për produktet e kategorise se vajrave lubrifikantë, objekt prokurimi.**

Certifikata e analizës duhet të vërtetojë përputhshmërinë e produktit me specifikimet teknike të deklaruar në fletën teknike (TDS), duke përfshirë të dhënat e partisë (batch-it) dhe parametrat kryesorë të testuar.

Argumentimi: Kjo kerkese është vendosur me qëllim garantimin e Autoritetit Kontraktor se produktet e ofruara janë të testuara dhe përputhen realisht me specifikimet teknike të deklaruar nga prodhuesi në fletët teknike (TDS).

Certifikata e analizës (CoA), e lëshuar nga prodhuesi ose një laborator i akredituar/autorizuar, vërteton parametrat teknikë të produktit për çdo batch, duke siguruar gjurmueshmëri dhe kontroll të cilësisë së tij.

Ky dokument garanton përputhshmërinë reale të produktit me kërkesat teknike të përcaktuara në dokumentet e tenderit dhe redukton riskun e furnizimit me produkte jo konforme ose të ndryshme nga ato të deklaruar.

- 4. Fletën e Sigurisë (SDS) ose dokument ekuivalent për kategorinë e vajrave lubrifikantë objekt prokurimi, në përputhje me legjislacionin në fuqi.**

Fleta e sigurisë duhet të përmbajë informacion mbi rreziqet, masat e sigurisë, ruajtjen, transportin dhe përdorimin e sigurt të produktit.

Argumentimi: Ky kriter është vendosur me qëllim garantimin e sigurisë gjatë përdorimit, ruajtjes dhe transportit të vajrave lubrifikantë objekt prokurimi, të cilët klasifikohen si produkte me potencial rreziku kimik.

Fleta e sigurisë (SDS) e lëshuar nga prodhuesi siguron informacion të detajuar mbi rreziqet e mundshme, masat e mbrojtjes, mënyrën e ruajtjes, transportit dhe përdorimit të sigurt të produktit, duke garantuar mbrojtjen e shëndetit të punonjësve dhe mjedisit.

Kriteri është në përputhje me legjislacionin në fuqi për substancat dhe përgatitjet kimike dhe garanton përdorimin e sigurt dhe të kontrolluar të produkteve gjatë gjithë ciklit të furnizimit dhe përdorimit.

AUTORITETI KONTRATOR rezervon të drejtën të refuzojë mallrat që nuk përputhen me specifikimet teknike të kërkuara dhe parametrat e deklaruar në dokumentacionin teknik dhe certifikatën e analizës (CoA).

VERIFIKIMI DOKUMENTEVE TE DOREZUARA

AUTORITETI KONTRATOR, rezervon te drejten të kryeje, të gjitha verifikimet që i konsideron të nevojshme, për tu garantuar mbi vlefshmerine e dokumenteve te kerkuara.

ARGUMENTIMI I SPECIFIKIMEVE TEKNIKE

Specifikimet teknike janë hartuar duke marrë në konsideratë nevojat reale të Autoritetit Kontraktor për mallrat objekt të kësaj procedure prokurimi, duke perlllogaritur sasite e nevojshme si dhe karakteristikat teknike të pajisjeve ekzistuese (Reachstacker/Vinca), për të cilat këto materiale do të përdoren.

Për hartimin e tyre janë marrë në konsideratë standardet kombëtare dhe ndërkombëtare, duke synuar garantimin e përputhshmërisë teknike, funksionimit normal dhe jetëgjatësisë së pajisjeve. Specifikimet përfshijnë edhe referenca të sakta teknike për filtrat dhe vajrat lubrifikantë, sipas kodeve dhe klasifikimeve të prodhuesve përkatës, me qëllim sigurimin e produkteve ekuivalente ose të përputhshme me ato të rekomanduara nga prodhuesit e pajisjeve.

Ky përcaktim është në përputhje me nenin 4, pika 38/b dhe nenin 36 të Ligjit për Prokurimin Publik, i ndryshuar, si dhe nenin 40, pika 1 dhe 2 të VKM nr. 285, datë 19.05.2021 “Për miratimin e rregullave të prokurimit publik”, të ndryshuar, duke respektuar parimet e mosdiskriminimit, konkurrencës dhe trajtimit të barabartë të operatorëve ekonomikë.

Shënim: Përcaktoni specifikimet teknike, për mallrat objekt prokurimi, të cilat duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, dhe që i vlerëson mallrat si të pranueshme për funksionet e kërkuara, në përputhje me parashikimet e nenit 4, pika 38/b dhe nenit 36, të LPP, si dhe nenit 40, pika 2, të VKM nr. 285, datë 19.05.2021, “Për miratimin e rregullave të prokurimit publik”, **duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.**

Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose

shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët “ose ekuivalente”.

KOMISIONI I PERCAKTIMIT TE SPECIFIKIMEVE TEKNIKE DHE
PERLLOGARITJES SE VLERES SE FONDIT LIMIT